

同學李峻之逝世

劉冠勳
李嘉言

本校第六級同學李君峻之於月之十二日夜十二時逝世於城內寄寓噩耗傳來同深悼楚爰述其經過於後以爲關心李君者聽

李君體胖面赤以外表視之固一康強之人勳等與其同學凡三載未見其曾患何大病今驟出此亦有非人之所能意料者緣自客冬放假李君與勳等同路旋先抵汴小住一二日李君復轉家省親蜀道數百里交通不便風塵勞碌在所不免當時勳等雖曾加以勸阻終以李君念其老母弱妻幼小心切故行未幾日學校開學通知至時勳等在汴乃又馳電李君請速北來李君如期至在汴又一夕復與勳等同車返校甫上課李君即染恙初猶輕漸趨重勳等乃疑爲此次勞碌奔波所致也自此雖深夜不得安枕言與李君同室頗知其詳無何乃遷入本校醫院當時同鄉多人及李君諸摯友往視者日不乏人然初皆不料其竟一病至此也

住院一週餘體溫未減恒在三九度上下或猶過之此時醫院卽感束手終未定其病症一日李君脈搏突高溫度反減醫院乃恐遂有送李君入協和之決定行前二小時通知勳等囑伴往此時李君固仍未見病容頤笑自若也。

入協和後勳等仍輪流往視一日而未知其病象三日而未知其病象十日仍不知其病象以赫赫盛名之協和醫道不過爾爾夫復何言十日過後勳等復往視李君突轉瘦身且黃較以前宛然二人矣李君見勳等來乃含淚語曰吾今乃知受協和欺矣其今日取吾血明日取吾髓問何故則曰備作試驗求其Cause也如斯者十餘次吾安得不瘦且黃吾今猶如囚犯人擺佈動輒得咎其視吾猶如商人